



DEO OPTIMO MAX.

UNI ET TRINO,

VIRGINI DEI-PARÆ, ET S. LUCÆ,

Orthodoxorum Medicorum Patrono.

QUÆSTIO MEDICA \*,

CARDINALITIIS DISPUTATIONIBUS,  
*manè disceptanda, in Scholis Medicorum, die Martis vigesima-sexiâ  
 mensis Maii, anno Domini M. DCC. LXXVIII.*

M<sup>o</sup>. GUILLELMO-JOSEPHO DE L'EPINE,  
 Antiquiore Scholarum Magistro, Antiquo Facultatis Decano,  
 & Academiæ Censore, Doctore Medico, Auctore & Præside.

*An adeò miserè vivat, qui Medicè vivit ?*

L.



ALETE, Artes Apollinæ, si malum malo additis. Nisi per vos  
 vigeat in corpore sano mens sana, iterum, Artes Apollinæ, va-  
 lete. Edicto irrevocabili natus inter dolores homo, brevi viven-  
 tempore, quam multis opprimitur miseriis! felicissimus ille est qui  
 minimis urgetur. Vetat Sapiens ne quemquam viventem dixeris  
 beatum. Quid sit felicitas, meritò ambigunt Philosophi; hanc quæ-  
 runt omnes, assequuntur nulli. Quid sit miseria, si nesciunt, sentiunt omnes; hanc  
 arcere. nocte dieque Reges Pauperesque rusticolæ satagunt æqualiter; Philosophi

\* 1743.

D

contemnere simulant, at mendaci eorum fastui ne credas. Beatior ille qui tempore cereus obsecundat. At hoc opus hic labor est. Corpus indefinenter fatigat dolor, hostis indefessus, acerrimus. Mentem curæ premunt & ærumnæ sollicitudinesque atque anxietates. Quis Deus nobis inter tot bella, tot hostes faciet omnia? Verè erit ille nobis semper Deus, qui artem tot mala averruncandi commonstrabit. Descende de cœlo, Ars benefica, quâ discent miseri mortales æquum animum & tranquillum sibi parare, corpus sanum facere, & cum sanitate longævam ætatem adipisci, mentem sanam in corpore sano servare, frui vitâ, si lædatur, tutè & citò revalescere, mala imminenti præcavere, futura prospicere, avertere, præsentia citò citius fugare. Equis tunc erit muci? Tum malè cum hominibus non erit actum: nec erunt adèd miseri.

## I I.

**D**I C age sodes! Nostin aliam in terris felicitatem? necum sunt semper pax animi, corpus sanum. Dic, ambo, quæ faciant vitam beatiorem? Num quem cruci et intus vesicæ, dirus hospes, calculus, felicem faciunt principis favor aut Arabum divites Gazæ? Num beatus ille qui sanus corpore medias inter opes inops laborat turpis avaritiæ vitio, torquetur ambitione miser, iracundus perenni furore tanquàm furis exagitatur, vesano amore ebrius æstuat? Næ! Quis non talem sibi deprecetur felicitatem? At quis potest justam hanc corpus & animum inter sperare concordiam? Bene se habet unum, alter læditur: interdum vexant se mutuo: miser sic homo pacem inter utrumque citò & harmoniam reducere satagat, sic erit beatus. Verùm quis tantæ pacis sequester? quis arbiter?

## III.

**E**N pressò Medicinâ, non Deus è machinâ, sed re-ve à cœleste donum. Quàm malè est extrâ illius legem viventibus! Quàm benè his qui ipsi morem gerunt! Vis exemplum! Attende ad homines omnium, si qui sint, miserrimos, scilicet qui gravitèr & periculoso morbo laborant. Si delirant aut phrenesi corripuntur, beneficentissimam inscii experiuntur: si sani mente, sperant semper reviviscere: si morti certæ destinatis necessariò sit pereundum, siti festinantis duram necessitatem Medicinæ adjuvantis ope retardare confidunt: dolores mitigari gaudent: dulcius tandem moriuntur. Cave, credas (ut multi) tot malorum causam esse Medicinam: ante Medicinam malorum llias incubuerat terris, sola spes, sola nempè Medicina remansit in fundo pixidis Pandoræ: non est ergò malorum causa dolorumque Medicina: malis jam factis doloribusque (sape sapibus ob sui neglectum natis) lenimentum, solamen affert sine fine benefica: leviter laboranti gravius imminens prævertit malum, præbens breve facit. Paulò gravius afficitur æger? Quò magis in servandis Medicinæ effatus sedulus, eò periculi securior & salutis tuæ certior. Jamne periclitatur & de eo ferè conelaratum est? Una salus nullam nisi à Medicinâ & religiosâ illius observantiâ salutem sperare: certò moriturus necdum inuilem experitur in ultimo agone Medicinam. Tormenta, cruciatibusque perentis sopiendo, fatalem horam protelare est efficax. Sic imminenti tardat lethi gradum medicè vivens, sic juventutem vegetiorem reddit, senectutem tacito pede propterantem moratur, ex morbo sanabili tutius evadit, securius convalescit; insanabilem facilius tolerat, vix perensenscit: imò sanus factus aut natus, felicius vivit & fruitor omnibus cœi, aquarum & terræ muneribus.

## IV.

**E**RGONE ad esuriem nasceretur homo, abstinentiâ macerandus, fame encandus? Bona verba, quæto, absit ut tam injuriosè de optimo nostrum omnium Parente Deo M. sentiamus. Imò soli sano Medicè viventi tot bonis per universum orbem regali munificentia: fflus frui datur: ipsi uni promittitur longæva ætas super terram. Solus Medicè vivens salubrem aspectum solis salutiferamque ventorum persilationem in habitationem sibi eligit catus holpes: solus maleolentem, putidum, crassum, mucidum, ficiorem, urentem aërem aut vitabit aut corriget, facietque propitium. Cibum exquisitiorem, (si adsit) & palato gratiorem non aspernabitur. Dærit? Deteriorem sobrietate beneficum reddet. Gnarus Deum Omnipotentem idèò saporem indidisse edulibus ut salivam moverent, quæcumque ad palatum non facient, respuet illicò, & meliora gustabit, (nec saginans stomachum) nondum cessante edendi voluptate (iterum rediturâ) cessabit opportunè sapiens. Tantamne à temperantiâ voluptatem sperares? Hæc tamèn vera est & sola voluptatum magistra: has illius expers brevi amittas. Est in & ipsis fruendis ars soli medicè viventi cognita; illi soli cibum quemcumque condiet fames nunquàm defectura, si expectata: sobrio illius & abstemio palato, nec siderato fluent quacumque nectaris aut nativi aut arte factitii, & ambrosiæ rivi ex quocumque solo, ex quacumque tellure, qui jucundè sitim non proritatam compefcent: lassitudinem supervacaneam fugiens non reformidabit necessariam, & sic exercitio moderato voluptatem novam sibi parabit, vividiorumque ad repetendos cibos lucrifaciet appetitum: sic digestionem utilem operam dabit, providet nutritioni opportunæ, favebit egestionem: legitime tantum excernenda e corpore doctè eliminabit, retinenda doctior servabit: nec gracilis errore vitæ, nec nimis obesus, animi perturbationes suæ quieti & tranquillitati (necessariæ ad benè beatèque vivendum) infensas à se exulare jubens sibi ita implebit ut rationi ex æquo, ut par est, serviant. O felices nimium, suam vi rationem norint homines, si ipsi auscultare & obtemperare velint! sola dat vera gaudia, nullà unquàm pœnitentiâ corrumpenda: doctrinam voluptatum ipsa proficitur genuinam.

## V

**D**ICET forsan morosus aliquis: quid mihi cum Medicinâ? Benè valeo: bibo, cum sitio; epulor, ubi esurio; ambulo, cæno, semper præsto fames: mecum lecto componitur, mecum manè evigilat: interdum ludo, interdum laboro: dum lubet vigilo, dormio quandoque, nec idcirco res mihi cum Medicis ulla. Cum Medicis? Esto: at cum Medicinâ plurimum: ecquid gloriaris? Hæc ipsa est & vera & genuina Medicina: naturam sequeris ducem, Medicè vivis & nesciebas! Putabas igitur Medicinam alstringere indiscriminatim istdem legibus sanos ac ægrotantes? Ne te decipiat tam ridiculus error. Omnia sana sanis: at est sanis diæta, altera causariis, malefani altera. Medicina omnibus ad benè beatèque vivendum dux utilissima, nec sapiens aspernabitur eam. Docet bonis vi oportune: bona usu meliora reddere, mala præcavere aut corrigere, pati quidquid corrigere est nefas. Sic hominem beat Medicina. Audias HIPPOCRATEM Romanum. « Qui sanus est & suæ spontis nullis obligare se legibus debet... hunc » oportet varium habere vitæ genus, modò ruri esse, modò in urbe, sæpiusque » in agro; navigare, venari, quiescere interdum, sed frequentius se exercere: » siquidem ignavia corpus hebetat: labor firmat; illa maturam senectutem, hic

» longam adolescentiam reddit. Prodest etiam interdum... nullum cibi genus  
 » fugere quo populus utatur, interdum in convivio esse, interdum ab eo se retra-  
 » here : modo plus iusto, modò non amplius assumere : bis die potius quàm  
 » semel cibum capere & temper quàm plurimum, dummodo hunc concupiat... con-  
 » cubitus verò (*legitimus*) neque nimis concupiscendus, neque nimis pertimescendus  
 » est : rarus corpus excitat, frequens solvit : cum autem frequens non numero sit,  
 » sed naturâ, ratione ætatis & corporis scire licet cum non inutilem esse quem  
 » corporis neque languor neque dolor sequitur, idem interdum pejor est, noctu  
 » tutior.... Hæc firmis servanda sunt, cavendumque ne in secundâ valetudine  
 » adversæ præsidia consumantur. » His præceptis homines fieri miseros autumas ?  
 Si loquerentur adhuc Delphi, pronuntiarent :

*Ergò non adèd miserè vivit, qui Medicè vivit.*

### DOMINI DOCTORES DISCIPLINÆ MAGISTRI.

M. G. Blunus - Josephus DE M. Marinus NOUGUËZ.  
*L'ÉPIQUE, Antiquus Seno- Regiæ Exercituum in*  
*lurus Magist. , Antiquus Insula Corporis Medicus.*  
*Fœcatalis Decanus, Aca-*

M. Joanne-Jacobus DE LA  
*PORTE, & Regiâ Societate*  
*Medicæ Parisiensi pro Epide-*  
*mis instituta.*

### DOMINI DOCTORES DISPUTATURI.

M. Thomas LE TENNEUR. M. Antonius-Chaumont SABA-  
*TIER, Regis Exercituum in*  
*Insula Corporis Medicus.*

M. Joannes MAC-MAHON,  
*Antiquus Exercituum Regis*  
*& Nosocomiorum Militarium*  
*Medicus, Regiæ Scholæ Mi-*  
*litari Medicus ordinarius.*

M. Felix VIC-D'AZYR, M. Ludovicus-Alexander GER-  
*Scholarum Professor designa-*  
*tus, à Regiâ Scientiarum*  
*Academiâ, Serenissimi Co-*  
*mitis Archibut, Consiliarius*  
*Medicus, Regii Medicorum*  
*Collegii Nancianorum Socius*  
*honorarius, in Societate Re-*  
*giâ Medicâ Parisiensi pro*  
*epidemici instituta primarius*  
*Correspondens, in eadem So-*  
*cietate Anatomies humanæ nec-*  
*non & Comparatæ Professor*  
*a Rege nominatus.*

M. Franciscus THIERY, Eques,  
*Regis & salubri Consilio Regii*  
*Medicorum Collegii Nancii*  
*Socius Honorarius, Regiæque*  
*ejusdem civitatis Scientiarum*  
*& humaniorum Litterarum*  
*Academiæ, necnon Buter-*  
*rensis.*

Proponebat Parisiis STEPHANUS CROCHET, Cluniacæus, Doctor Medicus  
 Bituricensis, Saluberrimæ Facultatis Medicinæ Parisiensis Baccalaureus.  
 A. R. S. H. 1778. AB OCTAVA AD MERIDIEM.